

Droskininkā

Če, tuo vēita, ne danguoraižē pouš,
Tik šimtametē medē sau uoš –
Anu laja, tartom simpuonējē gruo,
Pasēklausios ruoduos ēr laiks sustuo.

Plauk Nemuna ondēnielis sraunos,
Pakeliou anam – Alītus, Bērštuons, Kauns.
Smielietus krontus pouš žaloma,
Vèdorie opēs īr Meilēs sala.

Če ēr Ratnīčelē graži vingoriou,
Vijūnelēs tvēnkinīs ramus tīvoliou,
Druskuonē pontanā porslus šauda,
Žvejīs ont kronta žoveles gauda.

Vo, gielīnā, gielīnā...
Aplinkou šnar nuostabē pošīnā...
Če sanatuorējēs, parkā, gīdīklas,
Porva vuonēs, vēsuokēs maudīklas...

Če ēr Čiorliuonis kažkumet gīvena –
Sava pēnzēliou siemies pena,
Steboklingas simpuonējēs šēs žmuogus rašē
Ēr ēšmalduos nē vēina neprāšē...